



# 叢書集成續編

## 第九七冊目錄

藝術類



### 碑帖考識

|              |   |      |      |     |
|--------------|---|------|------|-----|
| 求古錄一卷        | 清 | 顧炎武撰 | 槐廬   | 一   |
| 山樵書外記一卷      | 清 | 張開福著 | 昭代   | 三三  |
| 虛舟題跋原三卷      | 清 | 王澐著  | 懋花盒  | 四三  |
| 虛舟題跋十卷       | 清 | 王澐著  | 懋花盒  | 七一  |
| 拙存堂題跋一卷      | 清 | 蔣衡著  | 房山山房 | 一四五 |
| 平津讀碑記八卷續記一卷  | 清 | 洪頤煊撰 | 槐廬   | 一五七 |
| 讀碑記再續一卷三續二卷  | 清 | 洪頤煊撰 | 木犀軒  | 二七四 |
| 求是齋碑跋四卷      | 清 | 丁紹基撰 | 適園   | 三二三 |
| 杭郡庠得表忠觀碑記事一卷 | 清 | 余懋標輯 | 武林掌故 | 三七五 |
| 綠陰亭集二卷       | 清 | 陳奕禧著 | 懋花盒  | 三九一 |
| 開成石經圖考一卷     | 清 | 魏錫曾撰 | 藕香   | 四二七 |
| 滋惠堂法帖題跋一卷    | 清 | 曾恆德纂 | 昭代   | 四六一 |
| 淳化閣帖跋一卷      | 清 | 沈蘭先著 | 昭代   | 四七一 |
| 淳化秘閣法帖源流考一卷  | 清 | 周行仁錄 | 昭代   | 四七五 |
| 十七帖述一卷       | 清 | 王弘著  | 檀几   | 五〇九 |
| 南邨帖考四卷       | 清 | 程文榮撰 | 聚學軒  | 五三七 |
| 鑾龍顏碑考釋一卷     | 清 | 趙貽琛輯 | 對樹書屋 | 六五三 |

書題識

汪氏珊瑚網法書題跋二十四卷(一)卷一(一〇)……………明 汪砢玉撰 適 園 六六三

wt 92/06

顧氏求古錄

光緒戊子槐廬校刊  
上海婦葉山房藏版

予自少時卽好訪求古人金石之文而猶不甚解及讀歐陽公集古錄乃知其事多與史書相證明可以補闕正譌不但詞翰之工而已比二十年閒周遊天下所至名山巨鎮祠廟伽藍之蹟無不搜尋登危峯探窈壑捫落石履荒榛伐積垣畚朽壤其可讀者必手自鈔錄得一文爲前人所未見者輒喜而不寐念古人遺刻且日遠日湮後之人未必如予卽如予而數十百年之後又當磨滅幾許又歐陽趙氏二錄僅有其目而不著其文良以卷帙浩繁難於盡載而好古之君子不無遺憾乃取篋中所得重爲刪正去其大半擇可傳者錄之以遺諸後人其高文大篇已見於方志者不錄碑刻之摹拓

序

朱氏槐廬校刊

而傳於世者不錄近代詞人之作多有文集者不錄在乎闡幽表微備史乘之遺存前古之制然以布衣之賤出無僕馬往往懷豪猷躑躅於山林猿鳥之間而北方之人鮮能識字其或限於聞見窘於日力而山高水深爲登涉之所不及者卽所至之地亦豈無挂漏又望後人之同此好者繼我而錄之也東吳顧炎武

求古錄

槐廬叢書

崑山顧炎武撰

吳縣朱記榮校刊

唐景雲二年敕

景雲二年六月二十三日皇帝敬憑太清觀道士楊太希於名山所燒香供養惟靈蘊秘凝真含幽綜妙類高旻之亭育同厚載之陶鈞蓄洩煙雲蔽虧日月五枝標秀八桂流芳翠嶺萬尋青溪千刃古例刃兩字通用魏橫海將軍呂軍碑切字作蜺裳戾止恒爲碧落之庭鶴駕來遊卽是玉京之域百祥覃於遠邇五福被於黎元往帝所以馳心前王由其載想朕恭膺寶位嗣守昌圖恐百姓之不甯慮八方之未泰式陳香薦用表深衷實冀明靈降茲休處所

求古錄

朱氏槐廬校刊

願從今以後浹寓常安朕躬男女六嫔永保如山之壽國朝官寮萬姓同符擊壤之歡魚鳥遂性於飛沉夸狄歸心於邊徼實希靈鑒用副翹誠今因鍊師遣此不悉右唐岱嶽觀碑文之一泰山之東南麓王母池有唐岱嶽觀今存茆屋三楹土人稱爲老君堂其前有碑二高八尺許上施石蓋合而束之其字每面作四五層每層文一首或二首皆唐時建醮造像之記周環讀之得顯慶六年一首儀鳳三年一首天授二年一首萬歲通天二年一首聖歷元年一首久視二年一首長安元年一首四年二首神龍元年一首景龍元年一首三年一首景雲二年二首開元八年一首大

歷七年一首建中元年一首其空處又有唐代人題名書法不一東側面有詩一首其下題名西側書題名亦有詩一首中二側面皆無字唐碑存于泰山者唯此及元宗泰山銘蘇頌東封朝覲頌二文皆磨崖刻于山上而此碑在山下以小而雙束故不仆書非名筆故摹拓者少而獨完至今因歎唐時六帝一后修齋建醮凡二十許共此二碑亦異乎近代之每歲一碑以勞人而災石者矣但不知趙德甫金石錄何以不收恐古人碑記失傳者正多耳碑下爲積土所壅余來遊數四最後募人發地二尺下而觀之乃得其全文而此敕文辭藻斐然固予之所亟錄而傳者

求古錄

宋氏槐廬校刊

也其記及詩及題各載其一

景龍三年記

大唐景龍三年歲次己酉三月戊午朔十九日景子奉敕令號州龍興觀主杜太素蒲州丹崖觀監齋呂皓仙京景龍觀大德曹正一等三人於此泰山岱嶽觀建金錄大齋報賽全恩追濟兗等州大德四十九人七日七夜轉經行道設河圖大醮更祈後福以申告請七日之中遂呈四瑞白鶴騰輝拂霞莊而矯色黃雲覆彩映巖穴以通光絲雨飛禪家示九年之蓄鳥曉抱戴壽延千載之君紀時日於青郊勒奇工於翠琰夾紵像一鋪十一事二聖本命鎮彩修造

右唐岱嶽觀碑文之一唐諱丙改丙爲景二聖中宗及章后也

博城縣令詩

早春陪敕使麻先生祭岳 守博城縣令馬□□ 我皇盛文物道化天竺先鞭捷走神鬼玉帛禮山川忽下元州使來游紫洞前青羊得處所白鶴□時年度惡飛龍記昭彰化鳥篇□風半山水□氣總雲煙光抱昇中◎霞明五色天山橫翠微外室在綠潭邊綫幕灰墜阪焚林火欲然華光著草樹春色換山泉伊水來何◎嵩巖去幾千山疑小天下至是會神仙葉令乘鳧入浮邱駕鶴旋麻始幾華歲三見海成田

求古錄

宋氏槐廬校刊

右在岱嶽觀碑東側面其文剝蝕不全久視二年記所稱神都青元觀主麻慈力卽其人也武后遺之至觀修醮神都卽東都故有伊水嵩巖之句

又按碑凡大周年者天作天地作塋人作至聖作年作聖月作◎匝日作◎授作稽初作壘唯版字無考疑是應字凡數字作壹貳叁肆捌玖等字皆武后所改及自制字其聖歷年記有云設金錄寶齋河圖大醮泰◎泰古七字太元經元據日運諸泰政玄梘日梘擬之二泰方言曰吳有泰娥之臺是也後人不知妄于左旁添繫三點淺而大又稍偏知非一筆唐碑書七字亦有作漆者後又省筆作柒冊府元龜載唐

元宗先天二年三月癸巳詔制勅表狀書奏牋牒年月等數作一十二三十三十四十字是知前此皆借壹貳等字矣不知其始於何年也

### 王圓題名

淄州刺史王圓山人王昌字大歷十四年二月二十七日同登泰嶽時真君道士卜皓然萬歲道士郭紫微各攜茶藥相候於迴馬嶺山口於王母池登臨之興無所不至

右唐岱嶽觀碑題名之一此碑有開元十九年二十年建中元年貞元十四年題名都督兗州諸軍事任要行博城縣丞公孫杲二詩俱不工不錄此碑前文

### 求古錄

四 朱氏德廣校刊

從右方起後詩并題名或從右方起或從左方起每層高下多寡參錯不一以文意筆法求之乃可辨其起訖凡唐人紀遊題名皆就舊碑之陰及兩旁書之前人已題後人即於空處插入大小高下俱無定準宋初亦然自大中祥符以後題名者乃別求一石刻書字體始得舒縱亦不與舊文相亂然石小易於搬取故題名愈多而存者愈少今之溝渠碾磨之間皆是物矣此碑面西側又有宋政和甲午題名一條又按茶苑之茶與茶苦之茶本是一字古時未分麻韻茶苑字亦只讀爲徒東漢以下乃音宅加反而加字音居何反猶在歌戈韻梁以下始有今音又妄減

一畫爲茶字此碑兩見茶字皆從艸從余可見唐時字體尚未變爾雅謂苦茶廣韻九麻中有茶字又有茶字註曰俗是也

又任要題名曰貞元十四年正月十一日立春祭嶽遂登大平頂宿其年十二月二十一日立春再來致祭茶宴於茲曰茶宴者蓋唐時祭畢猶不用酒今不然矣

### 宋董元康題名

長清董元康權宰奉高挈家游瑤池館觀元功弟題字愴然久之政和四年七月二十一日質贅侍行

右小石刻在岱嶽觀予既錄唐碑往還數四道士謂

### 求古錄

五 朱氏德廣校刊

予曰昨發地得石刻二請觀之其文亦可采因附焉下題因此

### 盛助題名

政和戊戌仲夏二十九日奉旨決獄恭謁祠下卽此轉運判官盛助公達題男志修侍行

右小石刻在岱嶽觀戊戌乃政和八年其年十一月己酉朔改元重和曰決獄者獄而決之古無仲夏斬決之事也

### 宋真宗廣生帝君讚

若夫典治喬嶽表正靈祇司生發于東方仿聰明於上帝宜乎名冠仙籍德被蒸民饗祀典于蕭薊饗微稱於



金石者也屬以虔修封禮恭蒼神麻薦顯號以致誠述斯文而頌美讚曰

節彼岱宗奠茲東土生育之地靈仙之府爰有高真允司明命至神不測虔誠斯應茂實克昭儲祥是繫式奉嘉名用伸精意

大中祥符元年十月二十七日御書院奉勅莫勒刻石

右碑在泰山南麓青帝觀中宋眞宗御製廣生帝君讚并序其文及篆額皆御書青帝卽禮記月令所謂其帝太皞而史記封禪書秦宣公作密時于渭南祭青帝者也夫帝者一而已矣易傳曰帝出乎震齊乎巽相見乎離致役乎坤說言乎兌戰乎乾勞乎坎成

宋書錄

六

宋氏禮部校刊

言乎艮周流於四時八卦之中而其爲帝者一也家語載孔子之言曰丘也問諸老聃曰天有五行水火金木土分時化育以成萬物其神謂之五帝古之王者易代而改號取法五行五行更王終始相生亦象其義故其生爲明王者死而配五行是以太皞配木炎帝配火黃帝配土少皞配金顓頊配水於是五天帝五人帝之說漢儒因之遂立感生帝之名謂帝王者先祖皆感太微五帝之精以生鄭康成述春秋緯說蒼帝靈威仰赤帝赤熛怒黃帝含樞紐白帝白招拒黑帝叶光紀則王子雍諸儒所排駁而後世雖存五帝之祀亦不遵用其名者也豈若易傳之言簡

而當哉若眞宗之事又所不足論云

加青帝懿號詔

勅中書門下名嶽配天乃衆山之推長盛德在木實品物之資生惟眞宰之斯存蓋靈篇之攸紀青天眞君職司煦育道叶冲虛贊元化於高明庇羣生於溥率眞祠夙建方志可徵屬嚴駕以時巡爰秘封之成禮式瞻神館冀篤冥休祇舉典章載揚懿美奉徽名而昭薦旌元德於無方用表欽崇永綬福祉宜尊懿號曰青帝廣生帝君觀宇特加修飾故茲詔示想宜知悉

大中祥符元年十月二十五日下

御祝文

宋書錄

七

宋氏禮部校刊

大中祥符元年歲次戊申十一月戊午朔四日辛酉崇文廣武聖明仁孝皇帝謹遣尙書兵部員外郎邵晔告於青帝廣生帝君伏以峻功不宰誕彰陰陽之仁神化無方實主發生之宇惟高眞之幽館奠喬嶽之靈區屬以祇奉元符躬陳大報仰繫景貺克舉上儀式昭口口之稱以表欽崇之禮合申致告用達虔誠謹口言右共一碑前刻序讚大字後刻詔祝文字稍小

升元觀牒

尙書省牒准泰甯軍奉符縣升元觀

右第一行

泰甯軍狀據兗州儀曹掾兼兵曹婁寅亮狀稱契勘兗州奉符縣泰山之下有古洞天周三十里名曰三宮空

洞之天載石圖經是實卽目宮觀並無名額卻有建封院一所逼連嶽廟之後殿屋完備田產頗多只一村僧占據住持任從民間安攢邱墓穢惡不蠲深慮觸瀆眞仙不便欲乞備中朝廷改爲道觀州司看詳本院委合改充前件洞天道觀伏候指揮

右小字

牒奉勅宜賜升元觀爲額牒至准勅故牒

右大字草書

起復大中大夫守左丞王

特進少宰

起復少保太宰

太師魯國公 不押右字畧小真書

政和八年六月十四日牒

右未一行

求古錄

宋氏槐廬校刊

政和八年閏九月二十一日襲慶府管内都道正兼催措置知升元觀事洞元大師賜紫道士李冲寂立石

左右方之下

右碑在泰山東南麓升元觀其大字草書甚遒勁不知何人筆錄之以見當日牒文之式考宋史婁寅亮傳但云政和二年進士爲上虞丞不言歷官兗州亦可以此碑補史之闕其曰太師魯國公則蔡京也普照寺有金大定五年牒碑長春觀有元丁亥年牒碑其式畧同金元碑並有印曰尙書禮部之印卽今通行大篆文不用女直蒙古字

後唐冥福院牒

中書門下宣賜冥福禪院產業地土

右第一行第二行

起開載地土數目不具錄

右付冥福禪院准此

此一行在數目之後

長興四年九月二十三日牒

中書門下之印在二十三

樞密使檢校太傅平章事駙馬都尉趙

前印

樞密使檢校太傅平章事范

前印又加一印在使字上

中書門下牒冥福禪院

右牌在今泰安州城內冥福寺此牒無押而每人各用一印兩樞密使趙延壽范延光並見五代史又今官府文移准字本當作準相傳以爲宋寇萊公作相日避其名改之今據後唐時牒已用准字則知此字

求古錄

宋氏槐廬校刊

自取省筆之便不始萊公也廣韻二字並收准字下注曰俗然莊子平中准管子懷繩與准鉤准繩文子放准循繩皆用此字碑下層有偽齊阜昌二年二月初二日給戶案不錄

宋范致君題名

武亨范致君久慕仙風自楚之魯遂登泰山以望八極之表有宋大觀元年正月二十三日記于是碑

右小石刻在泰山南麓后土廟

錢伯言題

宣和己亥九月二十四日面奉玉音至奉符催視嶽祠後一月伯言至自兗明日具香燭以告上肯而罷醮於

會真宮獨登瑞雲亭早飭於行館遂同令寇庠丞呂光  
問祠官曹欽承萊蕪令韓僖道士蘇彥弼謁岱嶽觀留  
連池上復自金母洞過青帝觀觀文僖丞相遺刻遂遊  
白龍潭奠御范玉芽於水中愛其泉石之勝迺相與策  
杖散步還過雞籠峰始復有輿躬走社首山視禪壇訪  
遺跡晚入乾元觀小飲翠陰亭而歸知襲慶軍府事錢  
伯言題

右碑舊在宋天書觀後人移之州城內嶽廟中西墀  
古松下行書大徑寸餘

唐景龍觀鐘銘

原夫一氣凝真含紫虛而構極三清蘊秘控碧落而崇

求古錄

十

朱氏槐廬校刊

因雖大道無爲濟物歸於善貸而妙門有教滅咎在於  
希聲景龍觀者中宗孝和皇帝之所造也曾城寫質圓  
苑圖形但名在竊林而韻停鐘簾朕翹情八素締想九  
元命彼鼓延鑄斯無射考虞倬之懿法得晉曠之宏規  
廣召鯨工遠徵冕匠耶溪集寶麗壑收珍驚風雨之辰  
節昏明之候飛廉扇炭屏翳營爐翥鶴呈姿蹲熊發狀  
角而不振侈而克揚庶其曉散靈音鎮入鷄鸞之殿夕  
騰仙韻恒流鵲鵲之閣聾俗聽而成痊迷方聞而承悟  
洪鈞式啟寶宇攸鐫其銘曰紫宸御麻青元樹因傾巖  
集寶竭府收珍杜夔律應張承規陳形包九乳儀超萬  
鈞上資七廟旁延兆人風嚴韵急霜重音新自茲千歲

從今億春懸玉京而薦福侶銅史而司辰  
景雲二年太歲辛亥金九月癸酉金朔一十五日丁亥  
土鑄成

白龍池宋人題名

內供奉官李舜舉被命禱祀帝岳奉香勝改於壽聖節  
日先欸青帝宮次詢白龍潭治平四年題 下云書吏李  
恭從行蓋此字即恭之筆

充守劉克充奉詔祈雪於岱宗登絕頂翌日謁白龍池之  
祠元祐丁卯孟春初四日奉符全林會題 大字

貫道建欄於此以便游者元祐丁卯正月八日 大字

范陽正輔再游同魯國景元符丁丑三月二十六日

求古錄

十一

朱氏槐廬校刊

元符庚辰七月晦趙習之徐安國弟居仁孫正仲同遊  
大字

皇甫偁徐端朝孫柳同游建中靖國元年三月

日題

奉符令李珪因捕蝗恭謁白龍祠男彙侍行崇甯壬午

孟春初七日

誠中君實德升崇甯二年八月二十六日自王母池來

訪此

董元康政和甲午重九日攜家來游執贊責侍自恭觀

元康兄留字正和乙未孟冬二十日

莆陽陳國瑞子玉恭謁白龍池祠俯祠酌泉小憩而還

政和丁酉夏前二日 大字

姜子正子方李晉道劉言可刁文叔同來庚子四月李顯道張公美王仲興張去塵庚子孟夏十九日游池上

鄆城李僂弟倭姪贛隨侍遊此癸卯孟春二十八日

張子觀水於池 十三年春三月 篆書大字無年號按

宋朝紀年無有至十三者若日金元又不合一代全無題名止此一人也

右在嶽西傲來峰下白龍池壁上平廣計二十餘丈

書曰龍潭曰白龍池並大字其傍皆宋人題名尙未

刊缺錄之得十五首其文畧無重複自治平迄宣和

六十年間人名字亦可以想見當日太平之盛而金

元以降洊遭兵火而名山巽區委之榛莽無復有題

求古錄

主

朱氏槐廬校刊

名者矣

張子觀水於池篆書張字作矩按劉原父矩仲匱銘

釋張爲矩以爲張仲之器歐陽永叔從之趙明誠金

石錄疑之黃長睿東觀餘論則云矩其勿反非張字

考之玉篇信然此云矩子則爲張子無疑蓋宋人之

好奇者據原父永叔所定之字而用之耳

元聖旨碑

長生天氣力裏大福應護助裏皇帝聖旨軍官每根底

軍民每根底管子達魯花赤官人每根底來往的使臣

每根底宣諭的聖旨成吉思皇帝月古台皇帝薛禪皇

帝完澤篤皇帝曲律皇帝普顏都皇帝格堅皇帝聖旨

裏和尚也里可溫先生達識蠻每不揀甚麼差發休當

者先天祝壽者麼道有來如今依着在先聖旨體例裏

不揀甚麼差發休着者與咱每告天祈禱者麼道泰安

州有的泰山東嶽廟住持提點通義守正淵靖大師張

德麟生每根底執把行的聖旨與了也這的每廟宇房

院裏使臣休安下者舖馬祇應休拿者商稅地稅休與

者但屬他每的水土園林碾磨鋪席不揀甚麼他每的

休倚氣力奪要者每年燒香的上頭得來的香錢物件

只教先生每收掌者廟宇損壞了呵修理整治者這的

每其開裏不揀是誰休入來休沮壞者更這張德麟梁

道城根底聖旨與了也無體例勾當行呵他不怕甚麼

求古錄

主

朱氏槐廬校刊

聖旨泰定元年鼠兒年十月二十三日大都有時分寫

來 右碑在州城內嶽廟西偏延禧殿前又有至正四年

猴兒年聖旨碑其文畧同不錄按元史泰定帝本紀

有卽位一詔與此相類鄙疹之語播之王言傳之史

冊貽笑後人然其曰每年燒香的上頭得來的香錢

物件只教先生每收掌則是時香錢固未嘗以入官

也後世言利之臣蓋元之不如也已

靈巖寺宋李迪詩

大丞相文定公游靈巖詩

靈巖山勢異金地景難窮拾影遮層漢鐘聲落半空千

峯羅雄傑山如城之狀萬仞聳屏風飛崖來清竇有雙刻魚  
掛古桐名曾參四絕峯合亞三公勢激河濡遠行差嶽  
鎮雄仙僊間隣峻極月觀伴穹崇邃洞連蓬島重巒鑿  
梵宮山而有證明功德望應銷俗慮登喜出塵籠獻壽嵩衡並  
分茅岱嶽同良方標出震午位對升中嵐滴晴烟碧崖  
鋪夕照紅巍我齊太華奇勝敵崆峒錄句供詩客模真  
怯畫工天孫分怪狀神化結全功吟賞憐回首林泉興  
愈隆

先丞相天聖間嘗留詩寺壁後主僧刻石逮今歲久字  
畫剝缺因命工再刊石紹聖五年三月中辭日姪曾孫  
新滑州白馬縣主簿李侃敬書

求古錄

宋氏槐廬校刊

右小石刻在濟南府長清縣靈巖山寺中其山距府  
九十里南接泰山北帶龍洞齊乘以為疑即水經之  
玉符山而魏書所云明公谷在其東南自前代稱為  
勝境宋金元人題字最多予至則當兵火之後縱橫  
偃蹇委之荆棘瓦礫之中然猶得唐一宋金元合四  
十餘元以後不能悉數唐刻為天寶十一載造舍利  
函記文不工不足錄而宋刻年月序次以此首按史  
李迪諡文定前後三知兗州其再任乃仁宗天聖中  
也

滕涉詩

天聖戊辰歲七月奉詔解青社印趨闕粵十四日道魯

魯經靈巖之山靈巖古地也山經地志顧載奇勝因飭  
駕游於是於時金火交勝天宇如灼周覽未卒頓獲清  
涼蓋古之君子登名山覽絕景思有以不忘者矧今相  
國隴西公復題名于壁余因命筆以繼君子之行兼記  
歲月而已行右諫議大夫前知青州軍州事滕涉  
山半舊招提捫蘿躡石梯佳名標四絕勝境出三齊殿  
古烟霞窟庭深檜柏蹊嶽靈分地界雲險接天霓香象  
清風裊松廊翠嶺低飛塵無路入幽鳥隔巖啼夢破泉  
聲急飄涼竹韻淒微陽生頂上殘月落峯西暫到猶塵  
慮長居信覺迷致君功業就此卜幽棲

祖無擇詩

求古錄

宋氏槐廬校刊

寺有四絕一日靈巖余以赴官獲茲稅輶因賦拙句用  
志其行 新通守濟南祖無擇

管想靈蹤得道難因為征轡此盤桓松風逗磬僧齋冷  
石水環堂客夢寒聖作儼□□典布寺有儼蓋松白鶴泉及太宗皇帝御  
書 古碑猶是魏朝刊最憐山色當樓好欲去重來一凭欄

景祐五年十月二十三日

范知章題名

高平范知章希聖公量餞弟敏求赴官相臺太原王廣  
淵同來題

治平四年十月二十日寺主賜紫廣化大師記

孔舜思詩

題靈巖寺 尙書職方郎中通判齊州孔舜思忽從平地出塵籠親到諸天釋梵宮卻悟冗官長役物爭如大士日談空山橫青碧千層合泉迸丹崖一線通幽鳥靜啼人外境疎鐘不墮世間風日無可欲猿猴伏心絕微塵水鑑融自恨無緣陪宴坐它生願效種松翁  
熙甯九年丙辰十月 日住持傳法賜紫沙門某某立石

張會宗詩

留題贈靈巖鑒公禪師 守秘書丞分司南京張宗會宗

求古錄

宋氏槐廬校刊

人中令德居高地天下精藍占好山四絕名標清世上十方僧聚白雲間二龍珠照看經靜寺僧謂予此寺嘗有識者二龍玩珠也雙鶴泉供洗鉢閒早晚利榮糧鎖脫性通三教叩禪關

丁巳三月二十七日

鮮于侁詩

留題靈巖寺七言一首兼簡載師長老 鮮于侁  
馬煩華策車馳轂終歲塵勞常碌碌喜聞巖寺並山中  
路轉清溪入幽谷乍行山口疑洞天窮深一上翻平田  
千層臺殿隱林木四面石壁生雲烟山僧迎門笑相揖  
爲語祖師存往跡屈指于今八百年已在西來達手前

鶴鳴飛止黃金地錫杖湧起清涼泉境稱四絕名天下天台石橋乃其亞千峯不改歲寒時一水最憐秋月夜半生游學頗艱辛且向空山老此身也知方丈安禪處解笑東西南北人

元豐二年正月五日住持傳法賜紫守載立石

宛亭卜詩

留題靈巖古詩十韻 宛亭卜 卜字下缺石一角

屈指數四絕四絕中最優此景冠天下不獨奇東州夜月透巖白亂雲和雨收甘泉瀉山腹聖日穿崖頭大暑不知夏爽氣常如秋風高松子落天外鐘聲浮祖師生朗石古殿名般舟人巧不可至天意何所留老僧笑相

求古錄

宋氏槐廬校刊

語此事常窮求移出蓬萊島待吾仙子遊

元祐庚午三月二十八日東武王堯書

蔡安持詩

四絕之中處最先山圍宮殿鎖雲烟當年鶴馭歸何處世上猶傳錫杖泉

元祐壬申十月中浣睢陽蔡安持資中題

杜欽況詩

靈巖行 杜欽況  
山迴路疑絕絕林深閉巖扁鑿翠出金碧開軒列雲屏希有昔成道久矣斯巖靈法定卧蒼壁白日穿空明金威指泉竇一鑑秋寒澄定水供言衆不續亦不盈如公禪

中秀于世本無營聊爲出山雲乘風任縱橫坐令多寶藏百神轉雷霆夜月嘯雕虎玉匣開晶瑩笑指八解池外流中不傾何必空山雷始悟物我情

宣和六年三月二十七日書

王淵題名

方渠王淵幾道緣職事訪如師和尚徧觀靈巖勝當日迴歷下

宣和己巳六月十二日書

金王珩詩

巡按詣靈巖名利禮佛夢香隱坐於超然亭寬堂頭琛公佳製謾繼嚴韻 山東路提刑王珩

求古錄

宋氏槐廬校刊

鍾山英秀草堂靈林下相逢話愈清聞道謀身宜勇退得閒何必待功成

明昌五年十月十五日上方靈巖禪寺住持傳法沙門廣生立石

路伯達詩

琛公堂頭和尚有題超然亭頌因次其韻 冀州節使路伯達

六合空明現此亭本來無垢物華清客來便與團樂坐萬偈何妨信手成

明昌五年十二月十五日上方靈巖禪寺住持沙門廣琛立石

元傳亭詩

至正乙未秋九月因公赴山東遊靈巖禪寺

秋晚登臨上岱宗扶筇來此謁崆峒閒雲送雨過深洞老鶴將雛度遠空白日清泉心未了黃花紅葉思無窮攜書歸隱知何日坐想□□入夢中

靈巖山房尋同年長清縣尹張君德昭不遇

慈恩塔上題名後京國分攜十四年夢想故人詩句裏坐看黃菊酒杯邊停雲獨鶴秋容淡落葉瀟瀟客恨偏獨倚□□重搔首又鞭歸騎過前川

丙申春三月海嶽降御香回重遊靈巖次題明叔詩韻石徑穿雲雨意涼乘輶重過老僧房門前古柏凝新翠

求古錄

宋氏槐廬校刊

巖畔幽深散異香鶴舞雙泉春水綠龍歸深洞暮山蒼禪僧久已無拘礙笑我狂遊去遠方

前進士應奉翰林文字承事郎同知制誥兼國史院編修官傳亭題時弟益男文炳侍行云

右石刻大小不一凡十三通俱在靈巖寺其它刻宋時者則有田稹五言詩嘉祐五年王達千佛殿記元豐庚申李公顏金像記元祐王申卞育遊山記大觀戊子郭思遊山記大觀三年住持仁欽篆書書心經大觀四年仁欽生老病死苦頌仁欽十二時歌仁欽靈巖十二景詩政和元年淨熙和尚誠文政和五年劄付政和乙未趙子明題名靖康元年高直臣題名



而蔡卞經碑四幅前元符二年十二月十三日書後建中靖國元年十一月五日書在御書樓下特爲書家所珍又有面壁像碑宋建中靖國元年陳思道記金皇統七年重立金時者則有皇統七年雲公禪師像正隆丙子張汝爲題名大定戊戌蕭守中題名明昌六年本寺山園記明昌七年覺懷英靈巖寺記元時者則有蛇兒年大元國師法旨碑蒙古字至元龍兒年帝師法旨碑蒙古字大德六年天童覺和尚默照銘至正四年察罕普華碑書唵嘛呢巴彌牛一行漢字一行蒙古字凡元碑最多不盡錄錄其稍異者有至治元年忽都虎郡王太夫人八達氏詩詩只二

求古錄

宋氏槐廬校刊

句曰巖前松檜時時綠殿上君王歲歲春大字刻之亦不類婦人筆也又有宋蘇子由五言驗爲後人補刻而復有子瞻徐州一歌誤刻于此其詩各見集中不錄後之君子知予之所取者非以吹二氏之狂瀾拾閭朝之落艷而情深好古意在闢幽自有不能已者且因以覽世道之汚隆考文辭之醇穢亦豈不爲學人之一助哉

唐岱嶽觀雙碑

西一碑北面第一層

顯慶六年二月二十二日勅賜東嶽先生郭行真弟子陳蘭茂杜知古馬知止奉爲皇帝皇后七日行道並

造素像一軀二真人夾侍

大周萬歲通而二季歲次丁酉東明觀三洞道士孫文儒奉而冊金輪聖神皇帝肆⑤⑥勅將侍者姚欽元詣此嶽觀祈請行道事畢敬造石而尊像一軀並二真人夾侍庶茲景福永奉聖躬聊記其年用傳不朽專檢抄博城縣主簿關彥博錄事張則上

第二層

久視二季太歲辛丑丑酉乙亥朔二⑥丙子神都青元觀主麻慈力親承聖旨內賁龍壁御詞繪帛及香等物詣此觀中齋醮功畢伏願我皇萬福寶業恒隆敬勅口口口齡冀同礪而無朽

求古錄

宋氏槐廬校刊

侍者道士麻弘倩祇承宮朝散郎行兗州都督府參軍事攝功曹房希聖祇承官登仕郎行兗州都督府錄事劉懷彥儀鳳三年三月三日大洞三景法師葉法善等奉勅于此東岳修齋設河圖大醮所有口線等物敬造壁畫元始天尊萬福天尊像兩鋪功德即畢立石紀年此條在左方按儀鳳是高宗年號反在武后之後不可解

第三層

大周長安四季歲次甲辰十一酉癸未朔十五⑥丁酉口口觀威儀師邢虛應法師阮孝波承議郎行宮口承劉懷口都口口奉勅於東岳觀岱岳觀中建金錄大



齋卅九日行道設醮奏章投龍薦璧以本命鎮探物奉  
為皇帝敬造石天尊皇上天尊一鋪十事口璧畫天尊  
一鋪十三事敬寫本際經一部度人經十卷欲茲功德  
奉福璧躬其匪四②前行道之時忽見②彩揚光加以  
抱戴俄頃之際雲色稍殊遂有紫霞間起黃雲聿興遍  
覆靈場並成輿蓋觀斯嘉瑞敢不書之齋醮既終勒文  
于石 岱岳觀主倫虛白 專當官宣德郎行兗州都  
督府叅軍事王處廉 專當官文林郎守博城縣主簿  
韓仁忠 專當官岳丞劉口口

第四層 大曆八年建醮并造碑樓題名剝蝕不全  
西碑南面第一層

求古錄

宋氏槐廬校刊

大周聖曆元年歲次戊戌臘②癸巳朔貳②甲午大宏  
道觀主桓道彥弟子晃自揣奉勅于此東岳設金籙寶  
齋河圖大醮泰②行道兩度投龍遂感慶雲三見用齋  
醮物奉為而冊金輪聖神皇帝敬造等身老君像一軀  
並二真人夾侍 兗州團練使都虞候銀青光祿大夫  
試衛尉卿上柱國高晃 兗州團練使押牙忠武將軍  
守左武衛大將軍上柱國趙俊 專當官博城縣尉李  
嘉應 此三人官銜書作五行從左方起

第二層

大周長安四季歲次甲辰玖匝甲申朔八②辛卯勅使  
內供奉襄州神武縣雲表觀主元都大洞叁景弟子中

岳先生周元度并將弟子貳生金州西城縣元宮觀道  
士梁悟元奉叁匝貳拾玖②勅令自于名山大川投龍  
壁修无上高元金元玉清九轉金房度命齋三②三夜  
行道陳設醮禮用能庚辛清和風雲靜默神靈效表  
聖壽之無窮者也 專當官朝散郎行參軍燉煌張俊  
并書 專當官文林郎守博城縣主簿韓仁忠 專當  
官宣德郎行口口口劉元機

第三層

大唐景雲二年歲次辛亥八月癸卯朔十四日景辰蒲  
州丹崖觀上座呂皓仙奉今年閏六月十九日勅往東  
岳及萊州東海投龍并道次靈跡修功德將弟子二人

求古錄

宋氏槐廬校刊

蒲靈山觀道士杜含光丹崖觀道士王元慶道士孫藏  
暉於此三日三夜冊九人金籙行道設齋醮并投龍  
朝議郎曹參行倉庫陸大鶴 朝議郎行兵曹參軍  
高岌 通直郎行參軍袁幹 特宣議郎行瑕邱縣丞  
裴遇等奉都督齊國公崔處分令此起居呂尊師時屬  
仲秋謹題斯記

第四層

大唐大曆七年太歲壬子正月癸未朔廿三日乙巳奉  
勅于岱岳觀修金籙齋醮及于瑤池投告事畢故題記  
修功德中使內侍魏成信 判官文林郎守內府丞  
劉元載 判官掖庭局丞楊彥瓌 小使掖庭局丞